

欽定石渠寶笈三編

欽定石渠寶笈三編

綺春園鳳麟洲藏

皇上御筆

黃河改道記

一冊
丙寅

列朝名人書畫


明張宏畫海屋添籌

一軸

集錦書畫

宋元名繪

一冊



御筆黃河改道記 一冊

本幅紙本。摺裝十二幅。皆縱四寸。橫八寸。一

分。

御筆楷書

黃河改道記

天人交感之理。信而有徵。盡人事者必蒙

天佑。敬勤不可稍忽也。歲丙寅。黃河改道入海。非人

力也。

天也謹叙其源委以紀

天恩之高厚東南黎庶受福無涯實深慶幸焉河流
挾沙急則通暢緩則淤滯此河之本性也由豫
東入江省至清口則漕運匯歸利於疏通最虞
壅滯總宜淮水出清口敵黃刷沙而勿令黃水
入清口淤湖夫清水小不足敵黃清水大又虞
堤工危險然則如之何而後可保護堰工加高
培厚以蓄清刷黃舍是別無良法也蓋朝宗于

海萬古之水性也。盈虛消長，元會之樞機也。有
發源，必有歸宿。即神禹治水，不外導之入海耳。
然古今之水同，古今之地異。而今人之才力，又
遠不逮古人。斯其所以難治也。何則？古者九州
地不廣遠，民不繁庶，讓地與水，任其流行。雖有
九年之水，無大災患者，此故也。今則耕桑日闢，
戶口日滋，無曠土而多游民，通漕運而轉銅鉛，
國計胥繫，民命攸關。稍有潰決，其害可勝言哉。

予德薄才昧惟竭誠盡力疇咨博訪參古考今
因時順性與諸臣熟慮敬籌以迓

天庥而衛民命是夙願也今歲春末夏初河淮並盛
高下相等四月上旬清水長至一丈三尺餘遂
開引河使其宣洩尚高於黃水數尺刷動於沙
機已順矣後連啓三壩不見消動尚形盈滿仲
夏中旬河水亦盛並放王營減壩以掣黃流清
水仍可暢出不致倒漾然誌椿至一丈八尺數

寸為從來未有之異漲一綫高堰關係淮揚無限生命思及此不遑安處兢兢業業敬祈

天眷默注耳幸諸臣上年在堤頂加築子堰四尺續又增高二尺藉資保護高堰無虞清水暢行竟將積年淤成平陸之地蕩滌寬深由極危險之中而轉得大利益

天恩深厚曷可言喻哉此淮之大畧也黃水舊由雲梯關入海日引月長海口淤墊皆成鐵板沙水

力不能刷人工不能施尾閘既滯故常有下壅
上潰之大患議者多有宜引其改道歸海之論
斯舉豈立談之間而能經理得當者乎今夏開
放王營減壩不過分洩黃流原無妄想孰意竟
由六塘河一帶入海已掣動大河正溜八分有
餘而新河經行之處幸無城郭村舍俟霜降後
竟可定改道入海之舉矣大工既成則清口深
通堰工堅固淮揚無水患全河順軌永免潰決

矣予小子大廷受廩以來宵旰念我

考慈恩何由言報惟清心治事敬

天法

祖繼六十餘年未竟之

志以期毋負叩感

上蒼施非常之鴻禧成非常之鉅績使數萬萬生民
咸登衽席實非常之受福也侍郎戴均元細心
任事爰授為正總河同督臣鐵保副總河徐端

董理大工築堤壩壩引導正溜入海保障江省
黎庶永資利濟之福常沐安瀾之慶斯事體大
予與司事諸臣殫心熟慮集思廣益盡人事以
迓

天恩寅承

鴻貺益凜敬畏之忱曷敢貪

天之功以為己力哉茲伏汛已過敬俟秋汛安瀾入
告即可次第興工以期歲事欣悅感慰不可殫

述矣。謹記丙寅孟秋月上澣御筆鈐寶二嘉慶
朱珪恭跋

臣聞水源於天，稷行乎地中。南北分經，西東
注海，其性就下。以山為防，而地勢不逆其功。
天心相協，攸居惟

皇建極惟

天祐順，此自然之符，非人力所能與也。禹之治水也，
祇台德先，不距朕行，故能成允成功，萬世永

賴然則百神從欲

天心僖志豈偶然哉江淮河濟為四瀆獨流而注於海今則并為二矣運以通漕清以刷黃賈讓取其下策潘蘄著為金鑑師其意而善導之因時利民積誠格


天惟我

皇上心知而躬體之一微之於三省弭兵再徵之於衡工順軌於今黃河改道入海而三矣雨

賜之時若海氛之蕩平可坐而致也惟

天惟時惟誠惟幾敬哉臣朱珪恭跋鈐印一臣珪

鑒藏寶璽寶笈三編石渠寶笈所藏嘉慶御筆之
寶惟幾惟康



明張宏畫海屋添籌一軸

〔本幅〕紙本縱四尺橫一尺八寸四分設色畫
蚪松磐石下臨滄海天際一鶴銜籌飛來一
人據石仰觀一擎頭童子捧壺作承籌狀款
海屋添籌辛卯春日吳門張宏寫鈐印二張
宏之印君度

玉池楷書

海天澄萬里坐石望蓬萊霧表三山隱雲中一

鶴來仙籌添玉琯雪羽下瑤臺甲子鯨長紀方
壺壽域開

御製題張宏海屋添籌臣英和奉
勅敬書鈐印二臣英和敬書

鑒藏寶璽

五璽全

寶笈三編

宋元名繪 一冊

本幅十六對幅右幅第一幅刻絲餘皆絹本
設色畫一縱八寸五分橫一尺四分籤題宋
刻絲芝蘭獻瑞圖二縱七寸一分橫七寸六
分籤題宋郭忠恕孟母三遷圖三橢圓式徑
八寸一分籤題宋黃筌紅葉幽禽圖四縱七
寸四分橫七寸六分籤題宋黃筌桃花山鳥
圖五橢圓式縱八寸一分橫八寸四分籤題

宋趙昌櫻桃山鳥圖六楕圓式縱七寸八分
橫八寸二分籤題宋易元吉猿鹿圖七縱七
寸五分橫八寸五分籤題宋崔白四瑞圖八
圓扇式徑七寸五分籤題宋王詵繡櫳曉鏡
圖九縱七寸八分橫七寸五分籤題宋李迪
禽浴圖十圓扇式徑七寸五分籤題宋李迪
清風雙鶴圖十一楕圓式縱七寸一分橫七
寸八分籤題宋劉松年松陰讀易圖鈐印一

錢塘松年十二縱七寸六分橫八寸籤題宋
夏圭秋林高士圖款夏圭作十三縱橫俱七
寸七分籤題宋梁楷論道圖十四縱七寸五
分橫七寸七分籤題宋惠崇寒林鴛鳥圖十
五縱一尺二分橫九寸五分籤題元趙孟頫
進馬圖十六橢圓式縱七寸三分橫七寸五
分籤題元盛懋松梅仕女圖鈐印二子昭左
幅紙本縱橫同右

御筆分類楷書

蟠桃初熟蘊甘芳。同氣芝蘭燦九光。絲絡生花
洵妙手。千年絹素有餘香。擇鄰訓子幼三遷。
童習長成善毓賢。亞聖永昭名不朽。披圖景仰
古風傳。一枝獨占晚秋鮮。集羽芳禽逸態翩。
著色幽芬生絹素。從來花鳥擅黃筌。天桃灼
灼媚芳春。碧葉瓊蕤香色彬。毛羽翩翻儼翔集。
靈禽應識武陵津。含桃顆顆結紅綃。吐燄晶

瑩降彩標。山鳥啄餘棲碧葉。天然生趣。粉硃調
猿猱樹杪。善攀援。携子伊尼。伏藓原成。若天
機各適性。尋芝獻菓。聚仙園。爰爰潔白。具生
意。圖寫豐登。四土安妙。繪賞心。拈吉語。康年為
瑞兆。民歡。因人天氣曉。粧慵斜倚。屏風倦整
容鏡影。晨開輝繡榻。香雲碧樹蔭重重。馴禽
鼓翅浴盆中。息感稻粱毛羽。豐棲息性。安得所
托。漫思遠渚。暖波融。仙侶聯翩下玉京。九皋

舒咲晚風清，霜毛雪羽誠高潔。應伴佳期遊閨
瀛。謾謾長濤捲翠陰，小奚閒掃砌苔深。研硃
滴露玩羲象，展卷見乎天地心。疎林平坂敞
秋原，中有畸人避世喧。不履不衫自吟嘯，欲尋
雅調五絃援。日照函關四扇開，烟縕紫氣自
東來。談元悟始欣同契，道德五千微妙該。蕭
疎木葉晚秋天，草淺坡平駕侶聯。生趣翩然窺
渚曲，清波比翼浴晴川。渥洼良馬貢天閑，振

鬚五花汗血斑大宛龍媒接踵至德威遠播玉
門闕喬松斜倚玉梅芳小立仙姝雅淡粧有
所思兮然無語貞姿冰艷逗心香丙寅孟冬御
題分鈐寶嘉慶御筆二重神動天隨嘉慶二十苑
與道兼一重

附趙東冲恭和

園客冰蠶絲吐芳巧工曳縷織雲光靈芝仙
實紛呈瑞錦暉先開古色香
苑苑霜鱗歲

月遷恕先妙蹟貌先賢從今呵護知增重為
有

天題萬禩傳 霜葉新經染絳鮮 仙禽戩翼立翩
翻未輸布穀春聲早 占得秋光足意筌 恰
似芳菲上苑春 仙葩珍羽自擘彬雲烟 番番
歸瑤笈未許徐熙共問津 火齊勻國染蜀
綃 緞枝山雀刺清標 出藍漫說滕師訝 米色
攜將露下調 摘果蒼椽枝上援 銜芝馴鹿

走霜原，專精得妙，有如此付與蘭成賦。小園
上瑞堪稽，宜入畫義，從豐樂寓名安藏真。
璧府知相稱，竹鶴何因結古歡。不遺丹青彩
筆，慵自然風韻，寫丰容鏡。匝月幌清如水，寂
寂聞庭花影重。慧性傳將阿堵中，暈睛小
幘墨肌豐。看他水影頻梳羽，沐浴恩波意態
融。直節干霄孰與京，胎仙皓潔儂。俊清會
看飛上青雲路，正好添籌向紫瀛。軒楹小

架結松陰閉戶龍鱗歲月深消息箇中探秘
奧無聲畫裏樂潛心迴潭曲處出青原靜
對惟吟琴筑喧童子過橋攜百衲成耐理欲
據梧援何緣秘箒許輕開識氣人曾祇候
來會得雲籤真妙突有無奧音五千該烟
汀芳渚早涼天蕭灑雙鴛錦翼聯抵得東坡
山谷句試將風景印前川服阜飛黃充御
閑披圖如對五花斑簫雲月窟今來遠却駿

如何說閉關 壽友凌寒壓衆芳
瓊枝衝雪 闢新粧
品題縹帙

雲章賁萬彙都沾

墨雨香款臣趙秉冲奉

勅恭和敬書鈐印二臣趙秉冲筆沾恩雨

鑒藏寶璽五通寶笈三編嘉慶御覽之寶茂對時

育萬物

收傳印記沈氏口口堂書畫印子孫永保宣

和印安元忠印文房珍玩世所希有趙子昂
氏幅十三項子京家珍藏今之清玩餘印不可

辨

謹案釋惠崇建陽人工畫鷺雁鷺尤工小
景見圖畫見聞志

欽定石渠寶笈三編

綺春園清夏齋藏

皇上御筆

憫忠詩三十韻

一卷
已巳

列朝名人書畫

元高克恭快雨圖

一軸

明王問探芝圖

一軸

本朝臣工書畫

皇次子書班固西都賦 一冊

成親王書

御製題懌壽平仿倪瓚十萬圖詩 一冊

弘旿畫山水 二冊

劉墉書

御製古今體詩 一冊

劉墉臨諸家帖 一冊

董誥畫

御題惲壽平仿古圖詩意 一冊

董誥畫

御題惲壽平十萬圖詩意 一冊

董誥畫聯芳譜 一冊

戴衢亨畫四時農樂圖 一冊

戴衢亨畫天中臚勝 一冊

戴衢亨畫清夏集景 二冊

黃鉞書

御製喜雨詩 一冊

黃鉞畫

御製詩景 一冊

御筆憫忠詩三十韻一卷

本幅紙本縱一尺九分橫五尺七寸五分

御筆行楷書

憫忠詩三十韻 君以民為體宅中撫萬方分
勞資守牧佐治倚賢良切念同胞與授時較歎
康罹災逢水旱發帑布銀糧溝壑相連續飢寒
半散亡昨秋泛淮泗異漲並清黃觸目憐昏墊
含悲覽奏章痾瘵原在抱黎庶視如傷救濟蘇

窮姓拯援及僻鄉國恩未周遍吏習益荒唐國

家

惠安黎元則壤成賦薄稅輕徭原欲其戶慶盈
寧共安溫飽無如疆宇式廓豐歉不齊故一方
偶罹水旱則救荒賑貸固有常經報災之奏甫
陳賑卹之旨旋下朕域不靳億萬帑金立蘇民
困然撥帑需時豈能尅期即到飢民之延頸待
哺已不免有轉於溝壑者朕每一念及廩然如
傷及帑金撥到一夫之需澤能有幾何而不肖
官吏從中侵蝕是不啻向垂斃之民奪其口食
矣去年夏秋之間淮泗黃同時漲溢淮揚及瀕
河州縣多被淹沒疆臣奏章馳至朕披覽之下
不覺為之泚睫即經降旨賑卹且諄諭諸臣督
率屬員妥速經理務令澤必下完復經該省大
吏遵派需次人員詳查村莊戶口期於實惠及
民不意有山陽冒賑謀命之案不惟肆其貪蹟

甚至將不肯附和捏冒之人毒害殞命見利即
更出天理人情之外吏治尚可問乎

昏智圖財豈顧殃濁流溢鹽漬冤獄起山陽施
賑忍吞賑義忘禍亦忘隨波等瘼狗持正犯貪
狠毒甚王仲漢哀哉李毓昌東萊初釋褐京邑
始觀光筮仕臨江省察災菴縣莊欲為真傑士
肯逐蹟琴堂揭帖繞書就殺機已暗藏善緣
遭苦業惡僕逞凶鎔不慮干刑典惟知飽宦囊
造謀始一令助逆繼三祥義魄沈盃茗旅魂繞

名庵

屋梁棺尸雖暫掩袖血未能防骨黑心終赤誠

求案盡詳孤忠天必鑒五賊罪難償

前經都察院具奏山

東即墨縣武生李泰清控告伊姪李毓昌在山陽縣查死不明一案當經降旨令山東撫

臣吉綸等詳細檢驗查奏並令將全案人犯解京審辦今經軍機大臣會同刑部推鞫訊出實

情定擬具奏李毓昌係戊辰進士即用知縣分發江蘇去年秋間奉委至淮安府山陽縣查辦

完賑山陽縣知縣王仲漢欲其捏添戶口冒蝕賑銀李毓昌堅不肯從且欲具揭詳稟王仲漢

聞知向家人包祥商議令同李毓昌家人設法乃李毓昌之家人李祥轉將伊主必欲具稟

上司之情告知包祥遂與王仲漢設謀毒害並稟知李毓昌家人李祥顧祥馬連陞三人素日

怨恨伊主約束過嚴無由分潤因將謀害之言
說通諸惡奴賈為一氣充於茶飯內置毒李毓
昌服毒後未即殞命諸惡奴復將李毓昌勒斃
懸梁報稱自縊故錄王伸漢本條同謀賈混驗
報棺斂回籍直至李泰清見伊姪所遺皮衣帶
有血跡心疑即同伊春屬開棺驗視辨出毒害
情形呈控申雪今犯王伸漢等五名供證確
鑿皆處以極刑重典執法殘忍之賊真乃豺虎
不食瘴惡法應飭旌賢善表彰除殘警邪惡示
矣

準作臣綱爵錫億齡煥詩褒百代香何年降申

甫輔弼協明揚李毓昌初登仕版竟能確然自守不為貪墨所誘且欲揭欺冒

之弊居心實為清正乃遭兇域惡謀身罹慘毒實為從來所未有現已將設謀置毒諸犯審明

伏法已為申雪奇寃惟是朕軫惜忠貞心猶難釋特沛誼賢之典施恩加賞知府銜卽照知府例賜卹並著吉綸派令登州府知府前任李毓昌墳前致祭並將首先高謀惡奴李祥解往山東於李毓昌墳前正法以申公憤而慰忠魂復親製此章為之闡揚幽鬱並著該撫採取碑石將此詩刊勒樹立該處俾循吏清風垂之不朽朕如此彰善瘅惡天下人心庶幾知所奮激乎

嘉慶十四年歲在己巳孟秋中斡御筆鈐寶二
嘉慶

鑒藏寶璽寶笈三編石渠寶笈所藏

元高克恭快雨圖 一軸

本幅絹本縱二尺一寸九分橫一尺二寸三分淺設色畫浮嵐濃翠煙樹迷漫自題克恭為孟戴畫雨山圖畫竟雨如澍快事也無印

記

御題行書

百丈危峯凌碧落
族雲出谷釀濃陰
空濛林壑全含潤
泱泱郊原暢作霖
松暗溪亭凝霧重
僧

歸山寺帶烟深畫成如澍詩成未久旱逢甘始
快心嘉慶丁卯仲夏月御題鈐寶二嘉慶

臣工恭和

合沓雲容催雨脚房山妙筆卷層陰移將腕
底千重黛幻作人間一尺霖巖壑畫圖

清賞洽衡茅歌詠

湛思深三農慰望須臾事迴幹元機仰

聖心臣戴衡亨恭和鈐印二臣衡亨

鑒藏寶壘


五壘

寶笈三編

收傳印記子京世昌

甲子京珍秘李氏珍藏

神游心賞



明王問采芝圖 一軸

本幅絹本縱一尺八寸橫一尺五寸五分淺
設色畫一老人挈芝筐一童捧桃一童執軸
款仲山鈴印一滂漣

玉池

圓圖分二十七層相間書小楷福壽二字款
福壽全圖東海張弼

鑒藏寶璽

五璽

寶笈三編

皇次子書班固西都賦 一冊

本幅灑金蠟牋本推蓬裝八幅每幅縱橫俱

一尺一寸六分楷書西都賦

文不款錄

漢班固


西都賦子臣綿寧敬書鈐印二子臣綿寧敬

書

鑒藏寶璽

五璽

寶笈三編



成親王書

御製題惲壽平仿倪瓚十萬圖詩 一冊

本幅高麗牋本摺裝十二幅皆縱四寸七分
橫六寸一分楷書


御製題惲壽平仿倪瓚十萬圖 前已款 臣永理敬

書鈐印二臣永理

鑒藏寶璽

五璽全

寶笈三編



弘曄畫山水二冊

本幅紙本摺裝二冊各八幅皆縱六寸九分
橫一尺九寸七分上冊水墨畫一層巒積雨
二疊嶂喬林三高樓賞雨四幽壑觀泉五精
廬靜憩六曲磴急流七高閣深林八懸崖古
木款臣弘曄敬繪鈐印二臣曄下冊設色畫
一松林拄杖二柳港移舟三峭壁林深四層
巖雲湧五山谿漁隱六林谷幽居七林巒浮

黛八巖壑飛雲款印同前

鑒藏寶壘

五壘全

寶笈三編

劉墉書

御製古今體詩 一冊

本幅粉箋本摺裝十二幅皆縱四寸橫六寸
三分楷書

御製古今體詩

題明人歲朝圖一室安和暢首春祺盆珍果聚
家人桃符貼戶祥徵集綵勝懸楣藻繪新妙手
成圖工點染高張廣殿起丰神怡怡共識天倫

樂於穆民風喜近淳 商喜福祿壽吉語新春
合禎祥名繪藏東瀛福有本南極壽無疆勝境
亭臺迴壺天歲月長添籌仙侶集鸞鳳共翱翔
趙孟堅水仙仙子凌波出丰標憶洛神色香
同錢臘品格早迎春夙具冰霜質還饒清淨因
畫圖初識面著粉合天真 淪茗貢到頭網恰
雨前越甌活火貯甘泉玉川癖好休耽嗜悦性
惟宜一盞便 讀杜詩三百始立言無邪仰孔

訓有唐中葉衰子美逢厄運貞心溢詞章令人
興感奮豈獨妙才華要識抒忠蓋詩聖冠古今
詞壇尊傑俊高岡成鳳樓大鳴振千仞綠玉
鞢滇南產美玉製鞞益精良溫潤花紋綠周迴
紺色蒼挽強資決拾繞指本堅剛弧矢由來重
拈吟意不忘木刻山水挂屏雕飾良工擅漢
山琢木成畫來巖壑邃技本斧斤呈懸壁生烟
霧披圖近閭瀛卧遊欣得禁佳境覺神清張

宏秋山紅樹楓屏張遠嶺秋色滿毫端絢爛誠
名繪風光憶上蘭舍雲如疊綺映日益流丹點
染清商景寒林錦繡攢 湛然室口號寂靜天
君自湛然達觀萬物動如煙退藏于密日三省
惕若終朝務體乾 林虛桂靜口號春林發育
舍生意桂樹宜秋漫品題自是月中常茂密廣
寒有路玉繩低 墨池雲摹帖明窗下雲煙裊
墨池毫端仙彩發紙上露華滋硯靜詩初就甌

香心自怡。風光修禊節。逸趣緬羲之。日日一

首日日連吟望雨詩。寸衷焦急見乎辭。三春壁

什慙重讀恐誤來年刈穫期。陸治天中佳舟

菖蒲九節艾初綠。文石一拳榴正殷。望雨何心

觀妙繪畫家清興付包山。泛舟曲平湖得雨

波添綠。清流活活新漲足。虛堂坐對愛景光便

命挈舟曲池曲。雨歇停雲印碧瀾。天水涵溶鏡

裏看。還祈續沛大田待貽我康年兆姓歡。尤

求葛洪移居初陽臺上鍊丹沙若木齊輝駐舜
華雞犬雲中皆得道遨遊山島列仙家 不遮

山樓口號全體山容納小樓了無遮蔽義誠修
闢門明目法虞舜虛受嘉言衆善收 面水齋

口號十畝方塘印雲影小窗納景面清流欣看
一色長天接荷芰紛敷喜盡收 小匡廬噴珠

濺雪吼晴空見色聞聲著想同未失山中真面
目雖云人力奪天工 李唐山水仁智樂雖殊

動靜理參一山體自如如水從巖下出映帶本
相生布景非凡筆瀑懸百尺岡恰對幽人室一
勺足清心十笏堪容膝放浪山水間無得斯無
失詠哈密瓜包貢遙從西域來種傳金塔寺名

偏栽培遐方異味天廚達可識熙朝聲教恢

黃荃花鳥珍禽鼓翅集枝頭點綴名葩著色幽
彷彿頰伽妙音送香聞薝蔔鼻根求 蔣溥十
八羅漢筆花墨雨飛灑幻出十八應真常住虛

空不壞六根六識六塵 寒月迴文牋 寒月宵

盈輝上堂素紈疊影鏡生涼團團印渚星連曉

皎皎懸衡雲逗光攢馥梅心芳綻萼吐華桂鑑

朗凝香欄凭靜玩宜長夜轉押詩成雙韻藏

文徵明松壑高閣圖一帶長松滿崖曲枝柯茂

密四時綠中有羲皇以上人北窗高卧形神足

盤桓幽境幾寒暄蓬戶從無車馬喧耳根清淨


遠俗韻但聞萬壑天濤翻 款臣劉墉敬書鈐

印二臣劉墉

鑒藏寶璽

全五璽

寶笈三編



劉墉臨諸家帖一冊

本幅紙本。摺裝八幅。皆縱四寸七分。橫九寸五分。坐調元化。曾何力。枝葉滋茂。本根實時。事大亨。豈一具述。當時實用。故山陽太守。關內侯。季直之策。尅期成事。不差豪髮。賞以封爵。授以劇郡。今直罷任。旅食許下。復望聖恩。復俾一州。節臨鍾繇二帖。省足下別疏。具彼土山川。諸奇揚雄。蜀都左太冲。三都珠。

為不備悉。彼故為多奇。益令其遊目意足也。可得果當告卿求迎。少人足耳。以爾要欲一遊目。汶領非復常言得果。此緣一段奇事也。知有漢時講堂。是漢何帝時立。知畫三皇五帝以來。備有畫。又精妙甚可觀也。彼有能畫者。不欲因摹取。當得不信。具示。今徃絲布單衣財一端。示致意。彼鹽井火井皆有不足。下目見不為欲廣異聞。王羲之與周撫

帖。使夫嵇阮之倫，與八僊之羣，豪或騎麟而翳鳳，爭榼挈而瓢操，顛倒白綸，中淋漓宮錦袍，追東坡而不可及，歸哺啜其醕糟，瀨松風於齒牙，猶足以賦遠遊而續離騷也。蒸以靈芝，潤以醴泉，晞以朝陽，綏以五絃，無為自得，體妙心元，羨門比壽，王喬爭年，節臨蘇軾書。翰林蘇子瞻書法媚秀，雖用墨太豐而韻有餘於今，為天下第一。余書不足學學。

者筆慎無勁氣節臨黃庭堅尺牘 紺碧玉

廣二寸長倍之小篆瑤文云洛修貢兮江獻
珍散金景兮歆浮雲寶鼎現兮色蕤蕤煥其
炳兮被龍文即班孟堅寶鼎歌而微有異其
陰有癸鼎二字意元鼎元年得寶鼎而刻玉
以紀瑞者孟堅仍其語於賦之亂詞耳或沿
河沉璧金泥玉檢即是物耶甲辰秋余得此
於西湖因以名藏書之室兒子刻余真行各

種書稍稱合作者為寶鼎齋帖有徵余書者
以此塞請足以簡應酬之煩壹似永師作鐵
門限也因書名齋之義以系之其昌夫欲
極道之量務以天下為心者必致其主於盛
隆合其趣於先王苟君臣同符斯大業定矣
於斯時也樂生之志千載一遇也亦將行千
載一隆之道豈其局蹟當時止於兼并而已
哉夫兼并者非樂生之所屑彊燕而廢道又

非樂生之所求也不屑苟得則心無近事不
求小成斯意兼天下者也董其昌樵本款

臣劉墉敬臨鈐印二臣劉墉印敬書

鑒藏寶璽

五璽全

寶笈三編

董誥畫

御題惲壽平仿古圖詩意 一冊

本幅宣紙本。摺裝十幅。皆縱四寸七分。橫九寸四分。右楷書。

山容皴古奇。竹樹寫幽秀。喬柯出白雲。高下列巒岫。漱石疊細泉。空外笙簧奏。貌得六如真。結密毫端構。

御題惲壽平仿唐寅霜柯石壁

修竹蔭茂密。達士安樂窩。檀欒夾溪瀨。濃淡
坡陀。魏國筆清絕。龍賓暢調和。後學善模範。
節永不磨。

御題憚壽平仿管道昇竹窩圖

危峯凌碧落。野店依山腰。平林互環抱。曲澗
板橋神肖北塞景。點筆詩思遙。仲圭最孤潔。
本物外趣。

御題憚壽平仿吳鎮秋林山舍

寒潭雁陣翔。秋風梳柳線。老漁棹扁舟。溯波去
如箭。畫境具江鄉。無波宛匹練。雲西法最高清。
氣座中編。

御題憚壽平仿曹知白垂柳漁舟

嘉樹六七株。十笏開蓬戶。遠山不隔窗。豈礙荆
籬補仙禽。立石牀。翩然舒雪羽。彷彿獅林中。結
構獨蒼古。

御題憚壽平仿倪瓚茅舍疎林

徑路緣茂林。冥濛連峻嶺。古剎在巖間。依稀萬
松影。好山不厭多。坐遊心引領。叔明位置佳。摹
擬彩毫騁。

御題 憚壽平仿王蒙崇嶺密林

漁家住水郭。生計獨魚蝦。小艇戲清澗。垂釣衝
浪花。菰蒲映遠渚。隱現巒影遮。了悟松雪旨。至
境無復加。

御題 憚壽平仿趙孟頫水村漁樂

朝煙平甸連濛濛濕叢樾祇覺霧氣寬不辨山
勢翠扁舟蕩波光欲溯桃源窟小米天機超墨
戲看勃發

御題憚壽平仿米友仁漁蓑煙雨

密篁滴寒翠綺石疊細流坡澗互起伏恍聽鳴
琴幽淇澳溥嘉植涼葉飄樹頭雅合晞古法清
馥紙上浮

御題憚壽平仿李唐寒林叢竹

春雲暗峯崖，累厯凝烟雨。滿鏡出天真，元章冠
畫譜。南田妙筆臨生趣，看飛舞得暇偶。選題三
陽教率土。

御題憚壽平仿米芾春山欲雨 左設色畫款 臣
董誥敬書恭仿畫鈐印二臣誥

鑒藏寶壘

五壘

寶笈三編

董誥畫


御題惲壽平十萬圖詩意 一冊

本幅宣紙本，摺裝十幅，皆縱四寸七分，橫九寸四分，楷書。

御題惲壽平仿倪瓚十萬圖詩前已並設色畫款

臣董誥敬書恭仿畫，鈐印二，臣誥。

鑒藏寶璽 全 五璽 寶笈三編



董誥畫聯芳譜 一冊

本幅紙本，摺裝十二幅，皆縱六寸五分，橫一尺二寸八分。設色畫，各有楷書標題。一萬壽菊、九英梅、二石竹、玉蘭、三僧、鞦韆、菊、佛座、蓮、四米囊、綬帶、五金絲、菊、鐵線、蓮、六佛、桑人、柳、七虎耳草、雞冠花、八玉簪、金盞、九觀音、竹、羅漢、松、十木犀、金雀、十一南天竹、西番蓮、十二朱藤、綠萼。款：臣董誥恭畫，鈐印二。臣誥。

御筆分題楷書

色兼黃白蕊如蓮芳擅深秋炫美妍綽約九英
結仙契瑤臺上品占春先千瓣英英剪海霞
一株皎皎展瓊葩華滋浹洽硯池發慧團靈根
紫筆花 昆盧馥郁散幽芳佛座高擎七寶粧
信手拈成妙供養衆香國裏現空王 醪醑吐
萼態便娟洛社風流名夙傳一斛纍纍蒼玉粟
調和粉墨寫清妍 深黃細瓣簇層層織就金

絲若疊繒，鐵線蓮開伴丈石。由來華實品同稱。
映日娉娉色淺紅。花光四照解圓通。柳如人
字柔條脆。甘露楊枝灑太空。霞冠耀采絢秋
陽。露滴鮮腴染絳囊。石畔如錢襯輕蘚。臨池只
覺筆花香。縞絲六出獨清新。雪蓋碧莖迴出
塵。未展搔頭如有待。高擎金盞祝長春。淨植
分來紫竹林。叢抽碧玉現觀音。蓮臺環繞阿羅
漢。證果全無俗相侵。木犀馥郁散天香。巖谷

叢生吐艷芳，恰有飛來小金雀。依柯炫影鬪華光。離離朱實燦繁星，霞彩駢羅羣玉庭。別有嘉蓮出西域，天然雅淡逗芳馨。條嫩花豐粲

綠華，朱藤環繞簇丹霞。春光尺幅都收括，大地陽和放萬葩。甲子初冬御題分鈐寶謙受益嘉慶嘉慶御筆會心不遠德充符寫生怡神墨雲漱潤叢雲激觀幾暇怡情得佳趣比德朗潤

鑒藏寶璽

全五璽

寶笈三編嘉慶御覽之寶茂對時

育萬物

戴衢亨四時農樂圖 一冊

本幅紙本。摺裝十二幅。皆縱六寸一分。橫八寸三分。設色畫。各有隸書標題。一壽世農詩。二太平牧笛。三杏隄問雨。四麥隴翻雲。五柳陰。六豆棚話月。七秋館聞鐮。八晚煙炊玉。九丹林賽鼓。十霜圃壓園。十一編茅績夜。十二擊壤迎年款。

臣戴衢亨恭畫 鈐印二臣

衢亨

御筆分題楷書

方苞載詠生民什播穀登歌良耜詩王政重農
為國本豐年終屢樂熙怡柳岸平莎宜散牧
斜陽一抹遠崖紅邨童牛背吹橫笛野曲無腔
和晚風隈畔杏花紅綻錦畦頭稻穎碧連雲
邨農正屆插秧候尤願甘膏助力耘千頃黃
雲壓壠齊翻風碧浪接迥溪山明林茂清和節
景兆豐穰信可俟垂揚陰密日初長永晝鋤

禾農事忙，婦子攜筐，紛盪餉，艱辛粒食，慎毋忘。
連畦嘉稻夾長川，涼雨初收，月破煙野老笑。
言豆棚下，今秋又喜慶豐年。鐮聲和答接邨。

舍成熟秋原刈獲時，梧館新涼，宜課讀樂豐應。
誦甫田詩，田功欣畢，登倉廩。一縷炊煙，鴉陣。

開繪出家，家足食象，民天邦本，治全該。楓林
燦綺翠崖橫，喜見千邨萬寶成，歡洽兒童御田。
祖太平鼓譜叶韶諫，霜點平準納稼時，盈囷。

堆積出疏籬杖藜老叟觀農事力作惟勤樂肆
熙清風淒緊雪迷滂宵爾索絢乘屋端終歲
辛勤憫勞力身安飽煖念飢寒導和擊壤迓

新春繪寫幽風座右陳農部深知農政要弼予

敷典立蒸民丙寅新正六日御題分鈐寶幾暇

怡情三重得佳趣三重會心不遠三重德克符三重嘉慶

御筆二重嘉慶

鑒藏寶璽

五璽全

寶笈三編嘉慶御覽之寶執兩用

中

戴衢亨畫天中臚勝 一冊

本幅紙本摺裝十幅皆縱七寸橫一尺二寸
二分設色畫山水各有隸書標題一林亭節
瑞二榴院明霞三柳溪觀渡四蘭沼新涼五
董風調軫六修篁開籟七新荷出水八松濤
晝靜九梧軒月午十晴窗遠岫款 臣戴衢亨
恭畫鈐印二臣衢亨

御筆分題楷書

令節天中沿楚俗堆盤角黍驗時豐綠蒲青艾
絢香色遠渚晴波颺午風 幾樹朱榴燦絳葩
危崖一抹襯明霞虛亭臨渚含芳植隔岸平林
茅屋遮 碧溪淡蕩午薰柔兩岸垂楊密蔭浮
世外畸人憑水閣坐觀來往利名舟 空谷倚
綺蘊國香碧林淡映遠峯蒼玲瓏文石依虛榭
暑氣全消納爽涼 喬松臨水綠雲深獨坐莓
苔靜撫琴謾謾南薰如應答鍾期空外有知音

萬个篔簹繞碧流。恍聞鸞鳳戛琳球。臨溪虛閣延清籟。翠卷三峯黛色浮。赤欄曲折繞蒼崖。水閣臨汀潤石階。荷葉田田貼錦浪。淨香遙挹隔虛涯。萬壑松風起翠雲。天濤翁鬱靜中聞。山窗據勝鍾佳妙。繚碧縈青了莫分。碧梧高爽引金風。庭院生涼月印空。玉宇清澄餘暑袪。窗疏不礙影玲瓏。遠宇晴光滴碧崖。浮嵐飛秀到茅齋。臨流晤對延清景。繪出秋山灑氣。

譜丙寅五日御題分鈐寶幾暇怡情一重得佳趣

一重嘉慶一重叢雲一重會心不遠二重德充符二重寫生

鑒藏寶璽五璽寶笈三編嘉慶御覽之寶茂對時

育萬物

戴衢亨畫清夏集景 二冊

本幅紙本二冊。共摺裝十六幅。皆縱三寸九分。橫九寸。設色畫。各有隸書標題。上冊。一夏山清曉。二夏田清幽。三夏村清畫。四夏槐清蔭。五夏荷清韻。六夏筠清節。七夏松清籟。八夏舫清波。款。臣戴衢亨恭畫。鈐印二。臣衢亨。

御筆分題楷書。

夏日山光倍蒼秀。雲沈霧斂曉天清。高崖玉練

懸層疊滙注前溪遠浦盈。三時農務夏尤忙。

南畝耘禾當午陽。勞力都忘冒炎暑。柳風披拂

趁清涼。山邨晝永寂無譁。橋北溪南三兩家。

野老論心一甌茗。松棚木榻話桑麻。曲折清

溪印遠山。蕭森槐蔭滿柴關。苔痕平接前汀碧。

半榻古書待手冊。臨汀水閣俯清漪。翠蓋朱

華光陸離。淨植濯塵出芳沼。香風遠颺綠楊絲。

十畝浮筠蔭碧溪。清風相挹澗東西。猗猗有

斐誠高節粉籜冥濛波影迷
落落長松碧蔭
數天濤颯爽滿庭隅披圖恍若聆幽籟直幹清
風五大夫
綠楊颯影蘸清波遠嶺撐霄滴碧
螺一葉扁舟下前渚依稀空外扣舷歌丁卯仲
夏御題
下冊
夏莊清釣二夏榭清譚三夏
簾清奕四夏窗清簟五夏筵清吟六夏霖清
賞七夏沼清塘八夏禪清梵款印同前

御筆分題楷書


孤峯印碧鏡。光虛天淨。波澄恰雨餘。寄興綸竿。
覽清景觀瀾。怡性豈求魚。矮垣虛樹。綠苔侵
松健柳。濃結密陰。塵市炎歊。絕形跡。二三知己
共論心。手談終日。几欣憑林影。簾紋清氣。凝
心在枰中。分黑白。不知世上有炎蒸。嵐光遙
接。疇人居。林黛扶疏。波影虛洞。啓八窗。納清籟。
一庭風月。半牀書。林下石牀。清且幽。薰風拂
袂。夏如秋。茗香透鼎。苔裯潤得句。先書素篋頭。

天澤覃敷暢作霖。繞籬萬个擇龍吟。坐看前
浦增新漲。煙景溟濛暗遠岑。碧沼澄輝夜氣
清。銀蟾天上耀晶瑩。林煙欲斂荷芬遠。一抹青
嵐雲外橫。結夏山中歲月深。松聲崖影滌禪
心。空諸色相忘寒暑。身寄蒲團對碧岑。丁卯仲
夏御題。分鈐寶漱觀一重五漱潤二重寫生叢雲一重會
心不遠一重德充符一重比德朗潤一重

鑒藏寶璽

全五重

寶笈三編



黃鉞書

御製喜雨詩 一冊

本幅紙本 摺裝十六幅 皆縱三寸一分 橫七寸五分 楷書

御製喜雨 四月初七日

霽祭過三日 敷甘沐

帝仁。滋培嘉澤透浹洽沃膏醇深潤迎初夏優霑繼

季春受

恩彌敬感誌喜共臣民

季春月中先後得有透雨且據地方大吏奏報畿輔各屬

沾被極為廣遠茲於初五日恭事

享壇誠

申祈謝至初七日辰刻復沛甘霖霖滂沱簷
涵經日未止盈尺數施實為農田上瑞次日初
八卯交立夏節此兩適雷錢春迎夏之時膏足
春餘澤開夏首從此徵符肅乂以至秋後嘉慶
告成惟與我臣民同深慶幸而冀望者也

乙丑清和御製鈴寶二嘉慶

皇子暨臣工恭和

皇穹孚感名嘉澍荷

天仁潤物真如膏

去聲

滋禾更覺醇麥收占首夏雨足

慶三春。候順。

宸衷喜歡騰。

盛世民。子臣綿寧恭和。

精誠致。

宣室。三日沐。

施仁芄麥千。膝秀醲膏兩度醇。風披應擬草題。

命澤如春浴。佛龕斯慶。推誠子萬民。臣永璇恭和。

應。

禱甘霖至

欽承

率育仁兆豐金律協志喜

玉音醇龍見祥徵夏螽斯瑞溢春雨均秋不潦

翠輦慰東民臣永理恭和喜雨賡

宸藻甘膏本

聖仁園林滋普遍稼穡浹彌醇潤物迎初夏知時

殿暮春

一誠昭

感格解愠及農民臣永璘恭和 正值

明禋後旋蒙

吳緯仁醍醐咸澤物阜麥總含醇應節迎

文佛先期憶暮春雨暘更時若懼忤八方民臣綿

恩恭和好雨應時節當知

吳凱仁西郊方既渥南畝更含醇開霽迎初夏均霑

在暮春良遊瞻

睿藻

念念是勤民。臣綿億恭和。

瑤壇昭肸蚩

吳澤即

皇仁下尺泥塗滑。揚花麥氣醇。休徵開九夏。農慶殿三春。大有於斯卜。歡寧

畿輔民。臣董誥恭和。

帝省徵時若

天心自下仁。上雲膏露釀入土。醴泉醇術飲辰酣酉。
郊濡夏接春。

旰宵先後意。憂樂總同民。臣朱珪恭和。雨踵龍
星見重霑。

率育仁。陰濃甘澍浹。泥滑膩膠醇。枝濯將連夏。旬符
恰送春。諸天通。

一念。

錫福九垓民。臣劉權之恭和。穀雨纔霑。

雲壇疊沛仁

一誠孚旭卉萬彙飮釀醇共仰

如天福咸熙與物春掄才賡

聖澤草偃象惟民臣戴衝亨恭和校士承

恩命頌題仰

至仁神漿因以渥書味倍為醇佛看先期浴

天教比屋春散齋才幾日歡已徧臣英和恭和

錢迎符此日。繼澤

既深仁

將事方伸恪休徵溥飲醇渥甘開令序錫瑞殿芳

春喜起

廣歌協歡騰四業民臣趙秉冲恭和金丸圍見

杏翠浪麥含仁好雨剛盈尺嘉生若飲醇崇
朝徧天下有力殿餘春仰識

天顏喜三登粒我民臣黃鉞恭和奉

勅敬書鈐印二臣黃鉞

鑒藏寶璽

五璽

寶笈三編嘉慶御覽之寶

大璽

惟幾

惟康

黃鉞畫

御製詩景 一冊

本幅紙本 摺裝十幅 皆縱三寸六分 橫七寸
設色畫松磴雲盤款 臣黃鉞奉

勅恭畫鈐印二 臣鉞

御製詩

賦得長松吟風晚雨細

符翁字五言八韻

百尺松吟

籟蕭森翠影融 輕颺披颯杳細雨 灑溟濛 鳳蓋

微滋洽龍鱗逸韻通
低舍薄蘚碧遙映遠崖紅
設設翻喬幹霏霏潤小叢
虬柯鬱蔥表暮靄有
無中烟景籠斜照
濤音嘯晚風拈題抒藻思鍊
句避坡翁
嘉慶乙丑清和御製鈴寶二嘉慶

臣工恭和

杖策尋山寺松聲野徑融
遠烟籠漠漠晚雨
氾濛濛天橋蟠蚪壑
清冷叶鞠通濤翻千丈
碧花滴一林紅
浙瀝搖高影
橫椽濕幾叢韻

傳鐘磬外景入畫圖中逸興思當日

冲襟避下風

元音天籟合那復數髯翁臣董誥恭和鈴印二臣

誥 四山喬蔭濕一徑晚烟融軒蓋牽松度

臺蓑極目濛籟長知翠舞涓細辨砧通古寺

穿林黑香花點絨紅尋幽倚竹暮取興踏蘿

叢淡沱江湖外蒼茫詩畫中萍號方噴霧列

善欲乘風

堯棟清宵暇。吟懷聽雨翁。臣朱珪恭和鈴印二臣

珪。高松和籟韻。暮靄雜烟融。散漫輕絲灑。

霏微細雨濛。長林蒼蓋濕。幽徑洩雲通。暗拂

蟠龍翠。潛霑倚鶴紅。清聲連梵寺。餘潤到花

叢。密葉吹噓裏。疎柯暮歷中。挂梢還掩月。入

夜更吟風。笠屐尋僧去。脩然玉局翁。臣劉權

之恭和。鈴印二臣權之。何處聲兼雨。松颺

聽乍融。長空吟颯爽。薄暮灑迷濛。翠捲鸞翎

濕濤翻鶴夢通濃添山黛碧遠答澗泉紅徑
滑剛容殿枝高想出叢茶鐺鳴欲沸香篆裊
方中句擬華嚴界人懷玉局風載賡

天藻麗不慕採薇翁臣戴衡亨恭和鈐印二臣戴

衡亨恭和 何事松能茂資生待祝融吹噓

占曰聖優渥頌其濛天近心應凜枝多籟易
通不妨蘿蔓繞常仰日光紅積靄遮三徑輕
陰散幾叢梅原為雅伴竹共解虛中敢謂大

夫號。惟欽君子風栽培成。

帝力長此碧翁翁。臣英和恭和鈐印二臣和 笠

屐來松岫。蒼茫晚景融。翠濤翻寂寞。絲雨落
空濛。坐嘯遊情愜。行吟古籟通。暗吹花霧薄。
遠送綺霞紅。偃蓋搖寒碧。修髯濕灌叢。唱于
人語外。響答鳥聲中。高韻邀

宸賞。

新題滌好風。竭來春澤足。芳沼浴鳧翁。臣趙東冲

恭和。鈴印二。臣東沖敬書。松雨晚猶細，芹
泥濕未融。濤聲吟斷續，暮色靄空濛。林暗蒼
烟合，菴深遠籟通。陰連巖樹綠，枝濯澗花紅。
隱約笙簧奏，迷離紫翠叢。詩成雲水外，景入

畫圖中

天上三山境，人間五日風。如逢負苓客，定是采芝
翁。臣黃鉞恭和。鈴印二。臣黃鉞款。臣趙東

沖奉

勅敬書鈴印二臣秉冲敬書

鑒藏寶璽

全五璽

寶笈三編